

A Monthly Christian Magazine

AN ORGAN OF THE ZOU PRESBYTERIAN CHURCH SYNOD

Khristian Tangkou

ဝဏ္ဏ-ဗိုဏ္ဏ-ဝဏ္ဏ ဂုဏ်ဗျာဠ

Vol. 62 || No. 05

May, 2026

PHUDMURI PRESBYTERIAN CHURCH
PCI GENERAL ASSEMBLY KHAWMPI UMNA



Editor: Rev. Zamlianpau

Kumpuon

“Khrist a kipumkhatna” [Johan 17:22]

Editorial Board

Editor	: Rev. Zamlianpau	- 7629978067
Joint Editor	: Rev. G. Mangmuanthang	- 9862118809
Cir. Manager	: Upa Jamsianmung	- 9862086615
	Nu Niangkhanmang	- 9863934719
Bus. Manager	: Nu Suanneiching	- 8787790520
	Nu H. Naomi Goulianching	- 8413854088
	Mr. S. Joel Lianmung Zou	- 8729906706
	Shie Laangkhanlal	- 9612502599
	Mr. Kapkhanthang	- 8119040460
	Shie Khaiboi	- 9362647470
Cont. Editors	: Rev. Awnkhanhup	- 9383114081
	Rev. Dr. Hangpi Manlun	- 9862910875
	Upa Suankhanmang	- 8730946698
	Upa Thangzasuan	
	Upa Khupsuankham	- 9863193371
	Upa Langkhanmang	- 8787726568

ZOU SYNOD ULIENTE

- **Moderator:**
Rev. Khamminlian
- **Moderator Elect:**
Rev. S. Ginlianmang
- **Secretary (Sr):**
Upa Khaiminlian
- **Secretary (Jr):**
Upa Jamgenthang
- **Treasurer:**
Upa S. Nangkhanlal
- **Statistician:**
Upa Hangsuanthang
- **Executive Secretaries:**
Rev. Zamlianpau
Rev. G. Mangmuanthang

- Editorial..... 01
- Thu tuomtuom & Thumpi ding 03
- Khrist a kipumkhatna 04
- Kinepna tha Jesu..... 06
- Presbyterianism 08
- PCI Khawmpi Report 14
- Suunna 18
- MWCA to ZPWF 20
- ZPWF Column 23
- ZPYF Column..... 24

If undelivered:
Please Return to:
The Editor
Khristian Tangkou, ZPCS Office,
Zomi Colony, Post Box-48,
Churachandpur, Manipur-795128

Copies - 1200

AMAN

Kumkhat ah	- Rs.	100
Post ah	- Rs.	200
Copy khat ah	- Rs.	10
Life Member Fee	- Rs.	1,000
Patron Member Fee	- Rs.	2,000
Memorial gift	- Rs.	2,000

Thusuo zousie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



ZPWF DAY/MOTHERS' DAY

Tu ha ZPWF Day i manna uah tahsa leh hagau ah i phattuomi ngei ding uh i kinem ua, tua kawmkal ah genlesah tamtah a um toh kituoh in neukhat gentel lei ut huoi i sa uhi.

Hun masa lai in zong Mothers' Day zah a hoi dan leh hoilou dan gen in Whatsapp vel ah nasatah in kinielna i na neita ua, tam bang ahi lai in PCI in Mothers' Day zah ding thupieh neilou napi in PCI Dairy Book ah a hing tuongsah leng uhi. Tam bang a thukichien a umlou lai in i kiim-ipaam a Hattuom tuomtuomten a zang ua, Nute Pahtawina Ni chi in Silpieh thupi tahtah a kipieh lai un pieh ding Nu neinawnlou leh Nu hi ngal a a petu ding neilou um in Kipah thanuom tah a khenkhatten a man lai un khenkhatten Hitui-naptui toh ana mang leng uhi. Tam Ni man dan apat in (L) SN Thanga Vaiphei in a phuo **"Damlai Khovel"** chi laa a hing phawhkheshah zel a, *"Khenkhatte dia noplai hinkhuo khenkhatte dia kana, Nichin hinkhuo man dan a dang Damlai khovel ah khun"* chi a dih mama a, tuazieh in khenkhatte ngaidan in tam ni khu manlou hoi ahi chi ngaidan tamtah um hi.

21vei Synod Vaihawmna Khawmpi ah ZPWF in **"ZPWF Day"** man ding phasahna a ngen ua Thuphasah No. 54 *"ZPWF Day nei dinga ZPWF te ngetna (Last SEC R/No. 15) thu genkhawmna a kinei a, a hing ngetna bang ua phasah ahi. Tualeh a hun ding pen SEC in ahing guot dinga phasah ahi"* chi in Synod Khawmpi in kinuasie hi. Thuphasah 58: phasah bang in 2025 Year Planner, Mission Calendar & Holiday List Rev. Dr. Hangpi Manlun, Sr. Executive Secretary ZPCS apat ngaikhiet ahia, siemlem ding teng siemlem ahi zou in pom ahia, ZPWF Day zong 2025 apat Synod Calendar a tuonsah dinga phasah ahi (See Annexure-23,

Page-94) chi ahi kia hi. Tuachin ZPWF Day toh kisai 1st Synod Executive Committee in “ZPWF Day kum khat a Pasianni khat guot dinga Session thunuasie genkhawm ahia, **ZPWF te ngetna bangin May ha a Pasianni nina (2nd Sunday) dinga phasah ahi.** Tam khu 2025 apat a zah pat ahi ding a, maban ah Synod Calendar a zong tuonsah dinga phasah ahi” chiin thuphasah a um hi.

Tam ZPWF Day thu i sutna uh ahileh i theisa bang un tu tung ZPWF Day man dan tungtang ah gen-le-sah a tam zieh a, a kimawh bawl hilou in thuphasah um ahi chi ut ihi uhi. Hinanleh, tambang kal ah ZPWF Day i zah uh toh kituoh in ZPWF Lamkaiten zong lemgen siem tah a a hing gel ua, ZPWF Day hingal ahivang a Mothers’ Day toh kituoh a hun ahing nget uh ahia, **Mothers’ Day** hilou in **ZPWF Day** a zah ding a ngaituo ahi.

ZPWF (Zou Presbyterian Women Fellowship) khu mi tamtahten theisiemlou in Nu (Pasal neisate) maimai huomsah in Numei hilou in Nu dan in i ngaituo leng uhi. **W** khu **Women** chi thuteng lahtom ahia, **Women** i chi chiengun “**Numeite (khat sang a tamzaw)**” china ahia, Pasal neite maimai hilou in Numei Piching zousie a huom hi. Tuaziehin i lamkai masate uh i et chiengun pasal neilou Nungah zong tampi lamkai in ana pang uhi.

Tulai in Numeite kikhakhawmna ah zong nungahte ngaisahlou a um zieh in Nute a ding maimai a koi in Nungah tamtahte Khanglai a kihal ding a lah a kikimpi uh um nawnlou, PWF a kihal ding a lah pasal nei nai samlou a vahvai tampi um ding in ngaituona a um hi. Eite lah ah bawn i tawm ua Ji-le-Pasal i nei paipai ua, nam dang lah ah Numei piching tampi a um a, amau kipawlkhawmna Numei Pawl ah a kihal uhi. Tutung a tamtahte’n Numeite hilou in Nute (Pasal neisate) maimai pahtawina in silpieh leh sil bawl chi tuomtuom a nei uhi.

Mizoram Synod ah zong **Mothers’ Day** a zang ua, hinanleh mi mitmu a silpieh thupi tahtahte kipelou in innsung ah a bawl ua, Hattuum level ah ahileh “**Nute Pual**” chi in Nute Tahsa leh Hagau a kisiemthana leh kithuhilna ni in a zang uhi. Tuaziehin in sil khat phot i bawl chieng in pilvang tah a bawl in mite sukhalou teitei ding leh Tahsa leh Hagau lam a khantouna ding in **Mothers’ Day** hilou in **ZPWF Day** in zang lei a dei huoi hi.

Thu tuomtuom leh Thumpi dingte



1. Pasian lungsietna leh mapuina toh May ha ah i lut tou kiata ua, tu-le-tu in Half Yearly Audit pei laitah ahi hi. Tu May ha sung ah Missionary Day May 7, 2026 leh ZPWF Day May 10, 2026 ban ah Pentecost Day hun zang ihina uah Khrist toh kipumkhat a um ding in i hindan leh gamtat nei thei ding in Pasian kung ah kipumpieh tha in Hagau Siengthou tan chiet sawm va ui.
2. 22 Vei Synod Vaihawmna Khawmpi phasah bang in tu kum Evangelist khat leh Hamsapara a ding Headmaster leh Assistant Teacher lahna um hi. Tam Semtu kilate in Pasian dei bang leh hangsantah a a hing sep ua, Manggam i kehlet theina ding un Missionaries, Evangelists, Pastors leh Office Staff te tengteng a ding in thumpi va ui.
3. I Mangpa Jesu thugen tangtung zel in gam leh gam, nam leh nam kidou in thuthang damlang tuomtuom a hing um a gingtute i umna chiet ua gin-um tah a Mangpa a ding a um chiet ding in thumna toh pang chiet va ui.
4. Pasian lungsietna leh mikiphalte zal in Missionary Field a Biehinn lamna ding a sum tuoh kibelap zel a, Mission & Evangelism Committee thuphasah bang in Biehinn lamna kipanta a, lam zaw ahi a, i Mission Field ua gingtaten Pasian a bieh ding bang tah ua a bieh theina ding un i thumna uah laan chiet va ui.
5. PCI Khawmpi toh kituo PCI kum 100 chinna Centenary lopna Phudmuri Presbyterian Church, Shillong ah nei ahia,ei Synod apat in zong a mang ding a kiguotten vamang thei in tamtah in a hing tungta ua, tam Khawmpi lawching mama chi thu i zah zieh un Pasian lung ah ahing puinate zieh in lungdam thu gen va ui.
6. Ahing tung ding 11th June 2026 (Thursday) chieng in a 12veina ZPWF Thukhawmna Presbyterian Church of India, Lailam Veng a um ding ahia, telchiet ding in Pasian min in i kichiel uhi.

KHRIST A KIPUMKHATNA

(Johan 17:21)

*By:- Upa Thangzasuan
Vaal Veng*

Pa aw nang keima ah na um a, keima zong nangma a ka um bang in, amaute zong khu eima a pumkhat ahithe i na ding un tualeh nang kei nahing sawl ahichi khovel in agintat theina ding un achi hi.

Thumapui: Tukum Synod kumpuon Khrist a kipumkhatna chi thupi poimaw va-ia mai gielsing a lamkaite deisahna kamu ziehin kalung adam mama a, akung uah leh Pasian kung ah nuom thu ka gen masa hi. Hinanleh noute lungtun na tan a ka gensiem lou ding ziehin ka kiphalam mama hi. Bangteng hita leh ka theina tantan hing gen vang aw le.

Khovel a i um laisie uh, mihing te pen amatang a khosah thei ding leh khosa zou ding koima i um sih uhi, tuaziehin azawng pen apan a haupen dong in ahat pen a pan a hat lou dong in khat leh khat ikitulmaw tuochiet ngimngiam uhi, nopna mun ah mi atam leh anop semsem a, dana mun ah mi itam leh iha amuong tuom ngetngut hi, tuazieh a kipumkhatna leh pankhawmna pen mihingte guoljawlna ahi, tui mal neuneu kigom ten tuisuogietpi pieng sah a, lei mal neuneu kigom ten muol leh tangte piengsah a, mimal ma a kigom ten namte gam

ding pieng sah hi, mi itam leh anuom a, itam semsem leh anuom semsem hi. Koima mival i um sih ua, phattuumna inei chiet uhi, tuazieh a italen te uh igawmkhawm dinguh, ikipumkhat ding uh china ahi.

Tanglai in ipuipaten sakho vai ah kipuihuoina dan ana nei lou ziehun ama uh tang chiet in apusa uh (Apasian uh) asutpi bul uah akibieh chiptep mai uhi. Hinanleh leh Ei khangsawn ten kumtawn Pasian ihing bieh tah zieh un amatang in ahing hithei non ta sih hi, tuaziehin akhuo khuo in ahon hon in Pasian ihing beta ua, anam nam in iki khen liuleu ta uhi, aziehpén ham kibanglou ten Pasian kibekhom thei lou hi, tuaziehin, anam nam a kipumkhat ahing poimaw zawsem hi.

Unau Mizo gamte Lakh 6 val a kipumkhat ua, mihing atam mama uhi, mi atam leh Hagau mizong tam, vaihawm siem zong tam apil asiem zong tam, milien

milal zong tam, anei ahau zong tam in, sum leh pai zong hing tam mai hi, tuaziehin a Pastor te uh Rs. 150,000/- a lawsah ua, IV Grade te Rs. 50,000/- a lawsah zou uhi. Innkuon khat siempu hisang in, namkhat siempu ahoi zaw sih ama? Vaihawm te 18:19-20 kipumkhatna in sil thupitah siem khedoh zou ahi e guoi! Kipumkhat ding chipen ilim, imel kibang ding leh ineh, idawn kibang in china ahi sih a, isakhuo leh inam a kipumkhat ding china ahi. Mihingte a dingin apoimaw tapi a um ding a hinanleh apoimaw dieh khol pen khu I sakhuo leh imi nam, kipumkhat ding leh humbit ding ahi mi koipou asakhuo leh anam hum bit zou lou khu namteng lah ah amei in a pang ding uhi. Danpiehna 28:13 Pasion thu awi ichi pen Mizo ham ahia, Pasion thumang achina uh ahi, tuaziehin a Pasion thu iman ding uh ahi, Pasion deina bang a pei utlou a ama hoisah na bang a Pasion thu peipi mite nam liengvai asuoh ding uhi, Danpiehna 28:25.

Ka gen ut pen ahileh sil tuomtuom leh lamtuom tuom ah kikhennan lei, kigomkia thei ahi, hinanleh sakho vai leh mi nam e, ikihennan leh unau, pata hilhiel te zong kigom kiana abailam non sih a, hankhuh a kikhennan bang mai ahita hi, pilvan huoi ding tamna e, tuaziehin in

Sawltah Paul in lemna khanggui a kankhawm Hagau kipumkhatna tudet chintennan un, ang na chi ahi. Ephesa 4:3 iveng ipam a inn 400/500 Biehin khat a kaikhawm duomduom ichite khu eisang a ginum zaw ahituom sih ua, eisang a kituoh zawte zong ahituom sih uhi. Asakhuo uleh anam uh kipumkhatna tukipte ahi zieh uh ahi hi. Enzong tukip thei tuom lou ding ima?

Tangthu khat ka hing gen ding hi, Singtang khokhat ngabeng dingin akuonpet put uhi, tuanah pasal khat in atate kung ah ei innkuon in atuom beng ding achi sese hi. Nitah a vaitun ua atapa in aveng te uh ngamat ava et leh ngalien pipi ava mu hi, apa kung a pa bang ding a en ngalien imat lou e? achi leh apan ei itawm a, tui tamlouna ibeh uleh ngalien um lou achi hi, ama innkuon matte ngazou nou ngagul nou leh kaikuong ngen ahi. Eima tang in Pasion kibe thei ama, is Mangpa Jesun zong khat nahi uleh anina kahi ding achi thou hi, hinanleh amatang in kilim zou lou kilam theilou kipiching zou lou ngaman nanlei a nou ngen ichin iha toh pang nanlei koima kiphatuon lou penglam ama leh ama kipuo aphattuumna umlou bang hi e guoi, tuaziehin kipumkhatna ma pibawl dingin hoi kasa kipumkhatna in sil thupi

tahtah abawl zou hi, tawm leh tam
in thu puoh lou hi kithutuoh ding
pangkhawm ding semkhawm
lei Siel eh sang in Ah eh ui zaw
hi, Upaten ana chi uhi, ipu ipate
tangthu khat, Pasal khat in tapa
5 anei hi, chieng kang khat
chiet hing tawi un achi hi, tun
kankhawm unlen, aban ban in
hieh un, achileh ahieh zou a um
sih uhi. tun pel doh unlen khat

khat in hieh kia un achi leh bailam
tahin ahieh tong sieng uh akichi
tam mi thupen khang sawnsawn
ten pankhawm hatna ahidan
amang ngel lou na ding ua tuni
tan a na kigen mangmaw ahia,
enzong mangngil tuom sih va ui
aw guoi. Gen ding tampi nuasie in
hun sah phot vai. Mangpan athute
hing guoljawl chietta hen Amen,
Lungdam e.

KINEPNA THA JESU

By:- Upa Khupsuankham

Rome 8:28 “Tualeh sil bangkim ah Pasian in Ama itte, Aman adei bang bawl ding a ahatte a dingin ahoi dingin, sil zousie a semkhawm chiet hi chi ithei uhi”

Thumapui: Mihing khat ihi leh lawchin i ut chiet ua, khenkhat a chimaw chiengin Pasian phawh khalou, Pasian kung a kinepna tha Jesu um ahilam theilou in Pasian akileheisan uhi. Hinanleh Jesu Mangpa ahi chia kinepna tha Jesu ang gintat a, akinep chieng un lawchinna anga uhi. Ei gingtute khu kinepna tha Jesu neilou midangte bang a i lungkham lou ding ahi. Leitung khu kana leh gentheina gam ahia, ei gingtute khu tam Leitung a khuolzin ihi ua, lamkal a hasatna leh buoina ituoh chieng un inn tunkal ingahla uh bang in, Mangpa gamsiem Vangam ingahla mama uh itun theina ding in “Kinepna tha Jesu” inei ding uhi.

Pentecost nia Hagau siengthou hing tun nia kipat a tutan a Tapidaw lungsim “Kinepna tha Jesu” pezeltu khu Ama Hagau siengthou khu ahi. I thupi itangtel ah, Tapidawte hoina ding leh hatna ding a semtu khu Hagau siengthou ahia, haichi a ding a hinna neina dingin guotui khu hinna tha petu ahia, hinna neiloute a dingin sietna ahi. Van apan in atombomb te hing kesuh leh gingtute a ding a hatna ahia, guotui, nisate, zil kilingte khu gingtute a ding a kinepna tha Jesu nei tam semna ahia, sil hing um zousie khu gingtute kilametna khu asusie tuom sih a, tua

khu i Bible ah akilang a tuate khu:

Abraham: Abraham kinepna a um in, a umsih ta zong in avuoinua-atehnua in kinepna tha Jesu a gingta a, tammi khu Pasian in Abraham kung ah nah-nasuon nempi kang pe ding chia achiem khu agintat zieh ahi. Abraham khu tesepe ahita a, aji zong tesepe ahita a, hinanleh Abraham in tapa anei ding a kilam-etna khu Hagau siengthou in asung a nna asepe zieh ahia, tua khu “Kinepna Tha Jesu ahi. Kinep huoi um vetlou napi a, aman kinem tah in agingta bombom hi (Rom 14:18).

Joshua: Jashuo khu Kanaan gam alutnua ah nam nempitah kung a Pasian nasep ding khu Joshua a dingin huphul huoi tah hinanleh akinepna tha Jesu a gintat ziehin lawchinna thupitah nga dingin akigingta a, tuachi’n - *Lungkhau leh lungkiptah a um ding a kang thupieh khu theizing inlen zau vawtsin. Aziehpén kingamla diehsin, keima MANGPA na Pasian in na geina teng ah kang umpi hi*” chi’n ahanthawn a, *hangsanna lungtang pie in “Kinepna tha Jesu” petu khu Hagau siengthou ahi.*

Nineveh ah: Nineveh te kung a Jonah thugen ziehin kisia in “kinepna tha Jesu” gingta in ang kisiata ua, ann ngawl dingin a

mengpen apat alien tandong in sai-ip puon akikhu ta uhi. Nineveh lengpan zong aleengpuon asut a, sai-ip puon kikhu in leivui lah ah atou a, Nineveh mite leh ganta zousien zongbangma ne in dawn sih uhen len, Mangpa kung ah kikou in umdan hoilou apat kisie in alung heita uh chi anasepte ua pat imuta a, Pasian hepina ngaidamna leh umdan hoi khu akineppi ua, tua khu ahi “Kinepna tha Jesu” agintat zieh uh ahi.

Samson: Samson khu Philistin ten apummat ua, khuom lienpi toh akaanbeh ua, amitte bang kheikhietsah in, apmai bawl’n anei ua, basam sengseng in adang ataah a, hinanleh thu angen bombom a, tuachi’n kinepna tha Jesu nei in hatna tha Pasian in apie hi. Mangpa Pasian akuon a hatna thate aneizou in mi tultampi tah athatlum a, adamsung a amitha sang in atamzaw hi.

David: David in Mangpa vaw hing sawpsieng in, tuachin vua bang in kavamta ding a, nang hundamna kipahna hingpie inlen hagau in hing sunuomta hen, tuachin mikhiel khu lampi chinteng ah ka kisiesah ding a, tuachin migiloute khu “Kinepna tha Jesu” nei in na kunglam ah ang kiheikia ding uhi (Late 51:12-13).

Abraham, Jashuo, Ninevah,
Samson leh David te'n kinepna a
um nonlou nua in zong kinepna
tha Jesu agingta ua, akinepna uh
bang a lawchin uh bangin, eiten
zong kinepna tha Jesu nei va-ui
e! I van nei leh i sil neisate tung a

kipawng nepnep lou in, dachieng
a hingtung pai ding, muthei nailou
Vangam khu i kinepna tha Jesu nei
dingin iki chiel uhi. Maangpa'n
simtute zousie hing guoljawlta
hen. Amen!

PRESBYTERIANISM

(Presbyterian Hattuum Peidan)

-Rev.Khupsianlal, Gunpang Biel

Amasapen in simtu zousie i Mangpa Jesu Khrist min in chibai kahing bawl hi. I Synod huongsung, Bielsung leh Tuolsung hattuum tampite a buoina umzelte khu Pawlpi Hattuum peidan, Gindan theisiem louna zieh hi deu pen in kilang hi. Tua khu hattuum lamkaite leh membrete'n i Danbute, ikipuihuoina bute, ikhuttawibute etc inelsie zieh uleh nguntah a ingaituo siemlou zieh uh zong hithei hi. Hattuum/pawl sung a um koipou in ium na hattuum peidan theingei-ngei ding khu silpoimaw tah ahizieh in ngaituo khawm ulei deihuoi isa uhi.

HATUOM KIVAIPUOH DAN TUOMTE: Leitung ah Hattuum tuomtuom tamtah a um a, Hattuum tuom a tam bang in peidan leh kivaipuoh dan tuomtuom zong a tam mama hi. Khumte khu atangpi in lom lienpipi thum in a kikhen thei hi: 1.Lamkai ding tuom mawng Bishop nei (Episcopal) Hattuum: Bishop nei hattuum akhun Bishop leh siempute khu Hattuum vaihawmna ah thuneipen ahi ua, siempu hilouten mawpuohna leh thuneina a nei tawm mama uhi. Bishop neite lah ah zong pei dan tuomtuom a um kia uhi. India gam a Bishop nei hattuumte khu Roman

Catholic, Orthodox, Mar Thoma, Church of South India, Church of North India, Methodist Church etc. (2) Mipi Thaneina Hattuum (Congregational:) Tam hattuum akhun Tuolsung Hattuum khu amau keng a ding (independent) ahi ua, thuneitu khu a hattuum mipite ahi ua, a tung uah thuneitu dang a um nawnsih hi. Mun dang a akizoppite uh toh zong thanopna zieh a kipawlkhawmna chilou ei Presbyterian Hattuumte vaihawmna bang a nei sih uhi. Tami peidan zuite lah ah khun Congregational Hattuumte leh Baptist Hattuumte a um uhi.

Nagaland, Assam, Garo Hills leh Manipur a American Baptist Mission hinkhiet tea hi uhi. (3) Presbyterian Hattuum: Presbyterian Hattuum khu ‘vaihawmna kizom tou asawng (Church Court) a mipite thatang a telkhiet/ Palaite (Pastor, Urate leh LCC Memberte) vaihawmna’ chiin a gen thei hi. Bishop nei Hattuumte bang in thunei dieh lamkai a um tuomsih a, Congregational Hattuum a Local mipite thuneina bang a kalsuon ahidieh tuomsih hi. Vaihawmna kizom leh asawng a um ah thatang a teltuomten lamkai te’m vai a hawm ua, tuabang in kipuihuoina nei in Bishop nei Episcopal te leh Mipi thaneina a pei Congregational Hattuumte kikal a kivaiahawm Presbyterian Hattuumte ihi uhi.

PRESBYTERIAN HATTUOM HING DINKHIET DAN: Presbyterian Hattuum hing pien dan suitute khun Mosi hunlai a Israelte kivaipuoh dan leh Thuhun tha a kivaipuoh dan toh kituoh a suikhie in Presbyterian Hattuum peidan a bultuoh uhi. Khristian Hattuum tanchin apat a Presbyterian Hattuum a hing pienkhiet dan leh a hing kithezah dan khu tam bang ahi. Kum zabi 1na AD apat in kum zabi 16na bullam tan in vannei ah Hattuum ni, Suolam Hattuum leh Tumlam Hattuumte ana um ua, Suolam Hattuumte khu Eastern

Orthodox kichi in Grik ham zangte ahi ua, munpi khu Constantinople (Byzantine) ahia, Tumlam Hattuumte khu Roman Catholic kichi in Latin ham zangte ahi ua, amunpi ukhu Rome ahi. Kum 1517 in Tumlam Hattuum apat in Martin Luther (1483-1546) in Hattuum siemphatna (Reformation) hing siemkhie in, Kum zabi AD 20 vel apat in Protestant Hattuum a hing piengkhet ahi. Hinanleh Protestant Hattuum khu mun khat a um sawt theilou in Lutheran, Presbyterian, Baptist, Anglican, Methodist, etc.. a tuomtuom in a hing um kiata uhi. Protestant Hattuum ah khun Presbyterian Hattuum a lienpen khat a hing suota hi.

JOHN CALVIN LEH PRESBYTERIAN HATTUOM: Presbyterian Hattuum khu French Theologian John Calvin (1509-1564) in Geneva khua a Hattuum siemphat hunlai (Reformation Movement) a Presbyterian peidan bul ana pan a tuachin Calvin in a hun lai a Roman Catholic leh Lutheran Hattuum siemputen thuneina a nei dieh ukhu dih sathei lou in Bible en in siempu hilou (laymen)-te Hattuum vaihawmna a a tel theina ding un Presbyterian Hattuum peidan khu ahing siemkhieta hi. Hinanleh a umna Geneva ah khun khumbang Hattuum khu a phutkhe man tasih hi. Calvin lungguot bang Presbyterian Hattuum dinkhietna

masapen khu Scotland gam ahia, kum 1560 in Calvin kung a pat a zilkhie John Knox (1560-1572) leh a seppiten a hing phutkhie ua, Scotland gam apat Ireland gam, America gam leh khovel gam tuomtuom ah hing kithang zel hi. Tulai a Presbyterian Hattuum tamna deute khu U.S.A., Scotland, Hungary, Netherlands, Ireland, Switzerland, France, Cameroon, South Korea leh India gamte ahi. Kum 1970 akhun Presbyterian Hattuum khu khovel pumpi huopin ‘World Alliance of the Reformed Churches’(WARC) ah aki pawlkhawm ua, kum 2010 khun WARC khu Reformed Ecumenical Council (REC) toh kizop khawm in, ‘World Communion of the Reformed Churches’(WCRC) min akivaw ua, tu in gam tuom 108 bang in hattuum pawl dang 229 leh member maktaduoi 80 vel anei hi. Kum zabi AD 18 lai in England gam a Methodsit Halna loupitah khun Wales gam ana zelsuo a, Hattuum siemphatlai a lamkaitu George Whitefield (1714-1770) leh Wales gam a Presbyterian Hattuum pomte khu ‘Calvinistic Methodist’/ Presbyterian Church of Wales’ ana kichi ta uhi. Tuachin 1823 kum in Hattuum Thugin (Confession of Faith) pomna ana nei ta ua, ei India gam Presbyterian Hattuum tenzong akipom a, Communicant member zousie’n apom chiet ding un aphut ahi. Tambang Thugin khu

sawm apha hi. Tualeh India Gam ah Presbyterian Hattuum khu 1841 kum in Welsh Calvinistic Methodist Hattuum apat missionary akalsuon ten Khasi Jaintia Hills ah bul napan khie uhi. Tuachin Presbyterian Hattuum khun Methodist pawlte peidan leh Presbyterian kipuihuoidan azui khawm hi. Abul apat in missionary nasep lunglutna lienpi nei jing Pawlpi ahiban ah mahni kitoudel, mahni kivaihawm leh mahni kikehlien zel Hattuum ahi zing zel ta hi.

PRESBYTERIAN, PRESBYTER, PRESBUTEROS: Presbyterian chi khu ‘Presbyter’ (Grik ham a ‘Presbuteros’) chi apat lahkhiat ahia, ‘Presbyterian Hattuum’ chi zong khu Presbyter/Elder/Ahan-Tahzaw (Pastor leh Upate) vaihawmna hattuum chi na ahi deu pen hi. Rev.H.Remthanga (Mizoram Synod Senior Pastor) khun Presbyterian Hattuum akhun UPA (Presbyter) chi ni a um a, tuate khu 1. ‘Vaihawm Upa’ (Ruling Presbyter/Tualsung enkolding a namdet Upate), leh ‘Zilsahtu Upa, (Teaching Presbyter/Biel-gamkai enkolding a namdet Pastor, Evangelist, Missionary etc) te ahi uhi chi hi. Tambang a Upa mawpuohna kitheisiem tuo in Synod dang ah kidaidanna umlou in vaihawm lamkaiten semkhawm dildiel thei uhi. Upate kithuopi dinga LCC member telkhiet te khu

Hattuum khenkhat in Deacon chi uhi. Tuachin Upate vaihawmna sawng thumna pen khu ‘Presbytery Khawmpi’ aki chi hiel ahi. Judaten Synangogue a alamkaite ukhu ‘Presbuteros/Upa Vaihawmte’ chi in ana han zel ua, tuakhu hattuum masaten puipate hatna in zangzom zel ta uhi. Tuachin ‘Presbyterian Hattuum’ chi umzie khu ‘Presbyterte (Upate leh Pastorte) Vaihawmna’ chi in aki theisiem pen ta hi.

INDIA GAM PRESBYTERIAN HATTUOM: India gam Presbyterian hattuum khu Welsh Mission in kum 1841 akhun Khasi-Jaintia gam a anasepna bang un angaituo ua Kum 1924 akhun Khasi-Jaintia, Mizoram leh Cachar phai a Hattuum aphukhiette u’khu ‘Assembly’ thum in asiem ua, tuami khaikhawm ding in ‘Synod’ dinkhiet ahi a, Danpi (Constitution) leh Thugin (Confession of Faith) zong siem ngal uhi. Tuahun a pat in amin khu ‘Presbyterian Church of Assam’ chi ahi a, amin khu ni vei ki heng ahi: 1968-ah Presbyterian Church in North East India (PCNEI), 1992-ah Presbyterian Church of India (PCI). Kum 1953 akhun vaihawmna sangpen ‘Synod’ khu ‘Assembly’ chi a hen ahi a, ‘Assembly’ zong ‘Synod’ chi ahi kia ahi. Kum 1992-ah ‘Assembly’ khu ‘General Assembly’ chi ahing hikia ta hi. Tu in India Mal Sah

chilou India gam mun dangah zong PCI khu ahing ki kehlien ta ahi. India Gam Presbyterian Hattuum khu Presbyterian Hattuum dange bangin Calvin zilsah dan zuitu ahi a, Thugin Phuonkhietna zong atuom in anei ahi. Tu in Presbyterian Church of India-ah Synod 12 aum hi. Synod 12te kalsuon dan leh kivaipuadan khu PCI Constitution sungah, Constitution toh kikal tuon lou in, mahni bawldan leh kalsuondan anei tuom ahi.

PRESBYTERIAN HATTUOM LAMKAI (OFFICER) DET TE: PCI Constitution-in agen bangin Presbyterian Hattuum akhun lamkai det chi ni, Minister leh Upa a um ua, amaute khu Hattuum vaihawmna leh kivaipuaana poimaw mama te ahi uhi.

MINISTER: Minister/Ordained Pastorte khu Synod in atel a, damsung a ding in anamdet a, a nasep ding te leh asepna mun ding te, a law ding te tanpha angaituo hi. Hun zousie law nei in asem a, septhei hun bikhie (pension hun) anei hi. Constitution-in agen bangin namdet ahi ma un a sahhomitan te, Pastor ahi ut na zieh ten gun tah in Hattuum in angaituo ding ahi. Dan zawkim nua a kingaina suol ahiei, angkawmna suol ahiei a puate khu koima namdet ding ahi sih uhi. Dan bu in agen ban ah Mizoram Synod

te khun Pro. Pastor-a lah dingte khu kum 25 pha, khamthei sil leh tep leh muom a siengthou, natna huoisie leh zauhuoi neilou, tahsa tunga sil kigiel (tattoo) umlou ahi ding ahi chi uhi. Senate of Serampore College-in apom B.D. ahiei, akibatpi degree a pass ngei ding ahi. Angetna khun Tualsung Hattuum Committee te, Pastor Biel, Presbytery te tawnzou nua in Synod atung thei pan ahi. Minister sepding poimaw mama te khu PCI Dan in tambang in agen ahi: “Pasian thu hilte, Sakramen nasep te, gingtute suh hat te, basamte kai hal te, hamsatna thuote hamuonna te, Khrist tahsa suhpi chin te a etkolna nuoi a um zousie kankhiet leh ngaisahna te leh lamchin tenga Hattuum vaihawmna dihtah ngaituona te khu ahi.” Mizoram akhun Biel enkoltu Minsiter te khu ‘Pastor’ chi’n agen tuom deu uhi. Pastor-te khu siemna lam a sang zaw aum in zong, dinmun sangtah nei tuom vang aum sih ahi. Mawpuohna sangtah hun bangtan ahiei atuh nua in ahun (term) abei leh midang toh kibang in a um zel ta ahi. Bang nasep hitaleh dettah in mun khat ah sepsah ahizel sih uhi.

UPATE: Upate khu PCI Danpi khun, “Hattuum in ataang a lamkai dinga atel, Hattuum hagau lam hinkhuo ah, genthei etkolnate leh Hattuum sum leh pai dinmun ah Pastor kithuopi dinga namdetna

tungtawn a teltuomte ahi uhi,” chi’n gen hi. Presbytery-in a namdet a, sep hun sung bikhieh (pension hun) a um sih hi. Kum nga sung dan sunga umlou leh danzawkim nua angkawmna suol a puate khu Upa dingin koima tel ding ahisih ahi. Hindan leh ginna lam a mi muonhuoite apat tel ahi zel ahi. Hattuum in Upa ding atel nuom u’leh Biel tawn in Presbytery ah ngetna abawl a, Presbytery in lem asah leh, atelpieh ding in Pastorte, Probationary Pastorte, Upate lah ah mi ni ahiei, asang a tamzaw ahiei aguot ahi. Kitelna khu koima theipi lou a gielthaw a bawl ngei ding ahi. Upa ding teel ahi chieng in candidate guot ahi ngaisih hi. Hattuum Upa teelding khun Hattuum danzoukim umzousie kimkhat akikhoplou leh kiteelna neithe i ahi sih hi. Teltu ding zousie se thum a khen se ni ten atelching te bou aching a phuon thei ahi. Tel ching a um koizong, Pasian thu theina lam ahiei, Khristian hindan toh kisai sil a chingzoulou a thei ahi leh tel ahina khu Presbytery in apom pieh lou thei ahi.

Hattuum Upa nasep pipen khu Hattuum hagau lam hinkhuo ah, vaihawmna lam ah, genthei etkolna te leh Hattuum sum leh pai sil ah Pastor te toh sepkhawm ahi hi. PCI sung akhun Pastor ten Hattuum khat sanga tamzaw enkol zel ahi zieh un Tualsung Hattuum etkolna ah Upate sepding atam mama hi.

Baptisma leh Sakramen chilou Hattuum etkolna ah apoimaw zousie akul dan zil in asem ahi. Pastorte ma bangin Upate lah ah zong dinmun sang neituom aum sih a, mawpuohna zong atheina toh kituoh bang zel in asem zel ahi.

PRESBYTERIAN HATTUOM VAIHAWMNA SAWNG (CHURCH COURTS): Calvin khun kivaihawmdan afellou leh Hattuum ading det theisih chi hi. India Gam Presbyterian Hattuum akhun Tuolsung Hattuum, Pastor Bial, Presbytery, Synod leh General Assembly a um hi. Hattuum vaihawmna dan 5 te khu:-
1. GENERAL ASSEMBLY (G.A.): Tam khu India Gam Presbyterian Hattuum kivaihawmna sangpen ahi a, tu in Full Fleged Synod 12 aum hi. Kum ni dan zel ah khawmpi nei ahi a, May ha kal masa sung a nei dingin 2012 Assembly Khawmpi akhun phasah in na um hi. Khawmpi member te khu Assembly Lamkaite, Minister leh Pro.Pastor te, Committee tuomtuom a member te, Synod chin a Moderator , Secretaryte, Presbytery chin ai awh mi nga zel kiguotte, PWF ai awh mi 20 leh PYF ai aw guot a umte ahi uhi. Assembly mawpuohna poimaw diehte khu Synod tha siem, Danpi siem leh, Synod tuomtuom apat a

thu lutte ngaituo, India gam pawlam Hattuum dangte toh kizopmatna ngaituote ahi hi. Shillong-ah Office anei a, Administrative Secretary thum leh staff dangten asem uhi. Assembly nuoi akhun nasepna bameng tuomtuom enkol dingin Committee tuomtuom kuo um hi.

2. SYNOD: General Assembly banah vaihawmna sangpen ahi. PCI Danpi in agen bang in Synod khat khun atawm pen (minimum) in Presbytery li (4) sang a tawmzawlou aum ngai hi. Presbytery Khawmpi member te khu Pastorte, Pro.Pastor te, Lamkaite, Synod Committee tuomtuom member te, Presbytery Moderator leh Secretary-te, Presbytery-ten ai awh aguotte, Synod guot banga Numei leh khanglai pawl ai awhte ahi uhi. Synod sepding poimaw diehte khu Presbytery tha bawl/siem, gawmkhawm, khentuom leh suhbei te, Pastor Biel siem leh khen te, Pastorte namdet, lahlut, khawlsah, thunun leh tawpsah te, nasepna bameng tuomtuom siem leh etkolte, Hattuum neitahte ah neitu hinate, silpieh chi tuomtuom muna leh vaihawmte ahi. Synod Office-ah Executive Secretary ni ahiei, thum ahiei aum a, Synod Office nuoi ah department tuomtuom te khu anasep ua tanvou (portfolio) aki hawm zel uhi. **(Aban zop ding)**

PRESBYTERIAN CHURCH OF INDIA (PCI)
46th BIENNIAL GENERAL ASSEMBLY & CENTENARY
JUBILEE CELEBRATION REPORT

-Rev.Khupsianlal

Amasapen in simtu zousie iMangpa Jesu Khrist min in chibai kahing bawl hi. Pasian mapuina toh apeisa 28th April-03rd May, 2026 sung akhun Synod zousie kikkaikhawmna sangpen Presbyterian Church of India (PCI) khun a 46th veina Biennial General Assembly leh Centenary Jubilee lopna khu Phudmuri Presbyterian Church, Mawlai, Shillong, ah, “To God be the Glory forever,” (Philippi 4: 20) thupi a nei in lawchingtah in

ana kizang hi.

PHUDMURI PRESBYTERIAN CHURCH:- Phudmuri kichi vengmin khu thuteng ni kigawm Phud (luiluong) leh Muri (Mi min) ahia eiham in ‘Muri Luiluong’ chi na ahi. PCI Khawmpi lien zintuntu hattuum Phudmuri Presbyterian Church khu Shillong a khopi lien leh kumlui Mawlai khopi sunga veng 15 um lah ah veng poimaw khat ahia, Mawlai mal lam ah um hi. Phudmuri ah 1902 kum in Pasian thu-awina/biehna bul ana panta ua, Presbyterian hattuum khu 1929 kum in dinkhiet in ana um hi. Tuachin 1979 kum in Golden Jubilee na lawm ta uhi. Tualeh 13th May, 2004 kum in Platinum Jubilee na lawm kia uhi. Tudinmun a Phudmuri hattuumte statistic 2025 umdan: Inn umza-1096, pasal zousie-3056, numei zousie-3554, missing pumpi 6610 pha ua, tualeh danzoukim- 3417

pha uhi. Hattuum enkol ding in Pastor 4 nei ua, Upa 23 apha ua, tualsung committee member 10 nei uhi. Upa atam ua, LCC member nei tamlou uhi.

Phudmuri hattuum te khun Patharlyndan hattuum (KJP Synod Sepngi) te toh pangkhawm in Nepal gam leh Lower Assam gamte ah mission worker te chawmna bawl uhi. Tualeh 2025 kum in Mawser, Zero Point, Ri Bhoi District akhun Counselling Centre poimaw tah hongkhie uhi. Tualeh Higher Secondary School nei ua, sangnaupang 685 nei in, pawl XII tan hong uhi. Tuaban ah Phudmuri hattuum te khun hattuum thupi a nei ua tuakhu “Secure thyself in salvation and leadeth others unto it,”... “Hundamna huong ah nangman bitna nga inlen tualeh tam huongsung ah midangte zong puilut in,” chi thupi hinpi uhi.

W O R S H I P S E R V I C E , B U S S I N E S S S E S S I O N & J U B I L E E

CELEBRATION: Date 28th April, 2026 ni in Assembly Officerte leh Executive Committee Memberte khu amun ana tung masa ua Phudmuri hattuum te toh nitah bieh kikhopna hun zangkhawm uhi. Tuachin 29th April, 2026 in Executive Committee leh Nomination Committee ten meeting nei uhi. Tam ni in Synod tuom tuom apat delegates ten khawmpi mun kizuon chiet hi. Nitah lam 07:00PM akhun Inaugural service akipan a, Upa Lalremsanga, Biateram Synod khun Bible phensa tawi lut in Moderator Rev.Joshua Jeme in kikhopna makai hi. Hunpat thumna khu KJP Synod Mihngi ten nei ua, Moderator in Inaugural Address genna nei in, lapawl thum ngaikhiet in um hi.

30th April, 2026 zingkal 07:00AM-08:00AM kikal sung breakfast hun ahi a, 09:30AM-10:30AM sung in Business Session-I kizang hi. 10:30AM-11:00AM kikal Tea Break a um a, 11:00AM-12:30PM in Business Session II umkia hi. Tuachin 12:30-01:30PM kikal in zing ann/lunch nehna um hi. Tuazou in 01:30-04:00PM tan in Business Session-III kinei kia hi. Nitahlam 05:00PM apat ann nehna hun kizang hi. 07:00PM in Public worship Service a um a, tam hun

ah Rev.Gouginsang in pantu hina toh Bible simna leh thumna nei in, Rev.N.S.Phawa in thugenna hun zang a, lapawl thum ngaikhiet in um hi. Tualeh 01st May, 2026 ni in zong tambang ma in timing zui in hun kizang tou kia hi. Tam hun a Business Session IIIna hun akhun lamkaite ngainsiena bang in Synod min in Report piehna hun kava zang hi. Nitah kikhop hun ah Tripura Synod ten hun patna zang ua, Rev.Laldawngliana, Manipur Synod in thugenna nei in lapawl thum ngaikhietna nei ahi kia hi.

02nd May, 2026 ni 06:30-09:00AM kikal in Breakfast leh Bible Study hun a um a, Rev.Dr.S.Hayong in mapui hi. 10:30AM-12:00Noon sung in Madanheh Stadium, Mawlai Phudmuri, Shillong mun ah Centenary Jubilee Inaugural Service zah in um hi. Tam hun ah Jubilee Chairman, Rev.BB Lamin in makai a, PWF lamkaite apat hunpatna nei ahia Inaugural Speech leh Jubilee suong honna khu Moderator in bawl hi. Rev. Dr.H.Remthanga in Jubilee Souvenir honna nei in, Phudmuri Church Choir, Mawlai Presbytery Standing Choir leh PCI Jubilee Choirte apat lapawl ngaitah tah ngaikhiet in um hi. Jubilee lawpna kizah hun in tam anuoi a ilamkai masate un pahtawina nuomman sang ua, lungdam huoi mama

hi: Rev.Ginchinzam, Moderator, 1994-1996, Rev.Awnkhankhup, Secretary Sr. 2014-2016, Rev. Stephen Chinzathang, Secretary Sr. 2020-2022 (Assembly lamkaiten Rev.L.C.Taithul, Secretary Sr.1982-1984 khu ana manghil kha un maban ah hingsai fel ding uhi).

12:00-01:00PM sung Lunch time a um a, 01:00PM-03:00PM kikal in Rev.Dr.L.Lalrinkima in ‘Prospect and Retrospect of the PCI General Assembly” thupi zang in Seminar la hi.Tuachin 03:00PM-05:00PM sung in Tea Break leh Cultural Program zahna um hi. 07:00PM in kikhopna a um a, Karbi Synod ten hunpatna azang ua, Rev.Lalramliana Pachuau in thugenna nei hi. Lawpawl li ngaikhietna um ding hinanleh Zou Synod lapawl alemthei lou zieh in lapawl thum ngaikhiet in um hi.

03rd May, 2026 (PASIANNI): Zingkal 08:00AM in Sacrament Service a um a, PCI Moderator in hawmna nei hi. 10:30AM in Jawaharlal Nehru Sports Complex

Stadium Polo Ground, Shillong ah mipi bieh kikhopna a um a, Meghalaya State sunga pat mipi asing-asang a sim peikhawm in stadium ground leh atung a touna teng luodim in um sieng hi. Tam hun ah Meghalay CM Pu Conrad K.Sangma leh Deputy CM.Pu Preston Tynsong te leh lamkai tallang tuom-tuom ten jong Khawmpi hing mang uhi. Tam hun ah lapawl li ngaikhiet in um thei hi. 01:30PM in amun ma ah kikhopna akizang kia a, Mizoram Synod ten hunpatna nei in Rev. DC.Haia in thugenna nei hi. Lapawl li aki ngaikhe kia hi. 07:00PM in Madanheh Stadium, Mawlai Phudmuri, Shillong ah kikhopna a um a, KJP Sepngi te apat hunpatna aum a, Rev.Joshua Jeme (Outgoing Moderator) in Valedictory Address/Vaihah Thugenna zang hi. Lapawl li ngaikhiet ahia, tawpna hunkhahna nei ahizaw in Upa S.S.Syiemlieh, KJP Synod Sepngi in Bible tawikhietna nei in khawmpi zaw in um ta hi.

GENERAL ASSEMBLY OFFICE BEARERS (2026-2028) TE:

Moderator	: Rev. H. L Myrsing, Ri-Bhoi Synod
Moderator Elect	: Rev.V. L. Luaia Hranleh, Mizoram Synod
Secretary Senior	: Rev. Lalsangloma Thiaite, Biateram Synod
Secretary Junior	: Rev. S. R. Dkhar, KJP Synod Mihngi
Treasurer	: Rev. E. R. Kharkrang, KJP Synod Sepngi
Statistician	: Rev. Dr. Hangpi Manlun, Zou Synod
Chairperson PWF	: Mrs. Rualkumi Nampui, Biateram Synod
PYF Leader	:Rev.Primingson Millik, Karbi Anglong Synod.

**Zou Synod apat General Assembly
Committee Memberte
(2026-2028):-**

Executive Committee Members:

Rev. Stephen Chinzathang,

Rev. Khamminlian,

Rev. Zamlianpau,

Rev. Mangmuanthang

Working Committee Member:

Rev. Zamlianpau

Nomination Committee Member:

Rev. Khupkhansuan

PCI General Assembly akhun Synod sawmleni (12) a um a, tuate khu: Mizoram Synod, KJP Synod Sepngi, KJP Synod Mihngi, KJP Synod Pdeng, Ribhoi Synod, Zou Synod, Biateram Synod, Cachar Hill Tribe Synod, Karbi Anglong Synod, Manipur Synod, Tripura Synod leh Tangphai Synod te ahi uhi. Assembly Khawmpi khu amasapen ding in Shillong mun ah 1926 kum in ana kizang hi. Hun hing pei zel in a 20 veina khawmpi 1972 kum leh a 24veina khawmpi 1980 te khu Lamka ah zah in ana um hi.

**SESSION THUPHASAH
THEITUO KHENKHATE:**

1. Tutung Assembly Khawmpi Session khun Tangphai Provisional Synod khu Presbytery 4 achin tah zieh un Full-Fledged Synod piehna neita hi. 2. Manipur Synod khun

Danbu revised ahitah dungzui a mailam hun a Presbytery 4 anei ding ua lamet hi uhi. 3. Zou Synod khun Assembly apat Presbytery khat siembe na ding lai mu ahi dungzui a 22nd ZPCS Session in siem dinga passed ta ahithu Assembly in athei zieh in tutung Khawmpi in maban a Presbytery li pha ding lametna nei uhi. 4. Mangpa Jesu Van a akatou Ni/ Ascension Day zah leh zah lou ding pen mahni Synod lemgel leh deidan a koi ahi. 5. Women Ordination thu pen etkai tou zel dinga koi ahi. 5. PCI LOGO ah Kross pansah tah ding in phasah ahia, Executive Committee bozui dinga koi ahi.

Tutung Assembly Khawmpi hun ah ei Zou Synod apat mi 16 ava kikalsuon thei giap a, lapawl guotsa hinanlehjong sazoulou in iva um kia ua azum huoi in amuolphou huoi mama mai hi. Ahoithe bang a kalsuon kim chiet dinga ngaituo ahilai in pawlpi in sum leh pai dinmun hamsatna lienpi ituoh khah zieh un Assembly level Committee memberte leh Presbytery apat Moderator leh Secretaryte bou huom sah in umta hi. Tambang dinmun tuoh ahitah zieh in Assembly leh Synod dang dangte hing mudan leh hing koidan jong alamdang zou kei a, tuazieh in koipou in zumna a la in lamkai chinten ibial uah, ilocal chin uah

panla in Pasian sumpi etc bulpi lang a ipieh ding, I submit ding ua lawmte dihtat tah leh Pasian zau pumpum a submit ding in panlatha va ui. Mailam hun ah Pasian min a atamthei bang a kalsang suonzou

ding leh Assembly hing lametna bang tah leh hing guot bang tah a vakuon zou, va sazou ngei ding in Mangpan Zou Synod mapui in guolzawl zel ta hen.



SUUNNA

(L) UPA HAULIANKAP SUANTAH

(L) Upa Hauliankap Suantah ahileh Phamsa Pu S. Pumzagin leh Pi Chingngainiang te apat goutan pasal 6 leh Numei 5 te lah a 9 na ahi, February 13, 1974 in Khienglam khuo ah ana pieng hi. Kum 2000 in a ji ittah Nu Chinglianchiin toh Rev. Vungzalian khut ah Hattuum Dansiengthou in ana kiteng uhi. Pasian gouljawlna ta pasal khat Albert Ginsangmuan anei uhi.

Kum 1994 in tua asepnna Govt. of India nuoi a Ministry of Health & Family Welfare ah UDC in ana lut a, Dy. Director tan ah ana kaisang hi. Delhi ZPCS Hattuum Upa dinga telching ahinua in, November 2, 2025 ni in 70th MGP Session Awnchinkap Khuo a Upa Chinsuanthang Moderator in Ordination pieh in ana um hi.

Aman Sin (Liver) natna anei ziehin ahithei dandan in ana kikemtou ahia, April habul apat anatna hing thuohla mama in Delhi mun a ILBS Hospital, ICU a etkol ahi zing lai in 21-4-2026 nai 11:45am in ahing na muolliem santa hi. Ama shina ah Synod in zong i suunpi mama uhi.



SUUNNA

(L) UPA LANGKHANMANG@T. MANGNOU

(L) Upa Langkhanmang@T. Mangnou (L)Rev. Suankhopau leh (L) Pi Ngaikhoniangng te Goutan tate lah a thumna ahia. Aman Pienpi sanggam 5 anei hi. 15/08/1956 in Sajlk Tampak ah ana pieng hi. Date 08/07/1978 in A ji it tah Chinggainiang d/o (L) Kaikithang toh dansiengthou in (L) Rev. Mangdal khut ah ana kiteng uhi. Goutan ta pasal li (4) leh Numei thum (3) a nei uhi. Tualeh, MEP 28th Session 22/01/1995 in Mutei Khaukual ah Rev. Chinzapau Modero khut ah Upa ordination ana tang hi. Tualeh Hattuom a local Chairman te, Secretary te, District a Chairman leh Secretary te MEP ah Secretary te ana tu in, Tuleh tuletu in MEP a Moderator dinglai ahi. Tualeh, Presbyterian Church of India a Executive Committee a pan laitah ahi. Bible Dictionary Zou ham a kum tampi buoipi in ana zou a Synod khut ah sut ding in ana pekhie hi. Tu in Bible Concordance Zou ham a a buoipi laitah ahia, a tahsa damlou zieh In a zou man nawnsih hi. Tualeh, a tahsa lam hing hat la in Date 15/04/2026 in Dortor zuon in aki admit hi. Tuachin Aizawl lam ah Date 20/04/2026 in refer ki bol in Nazareth Hospital ah kaal khat a ki admit a, a natna apat dam zoulou ding a thei ahizieh in 04/05/2026 ni Innlam a hing zuonta hi. Tualeh atahsa hingchau deudeu in date 08/05/2026 cb 4:00pm in a leitung hinkhuo a beita hi. Aman tu mel, 26, a mu hi. Ama shina ah Synod in zong i suunpi mama uhi.

MWCA TO ZPWF

MWCA dindohna ding a pan ana la lamkai masa, ana pei masa te tu hun in i geldoh uhi:

1. Upa Suankham, Khianglam
2. Upa Ngulkhothang, K. Salbung
3. Upa Thongzagin, Tuaitengphai
4. Upa Singchinzam, Bohlui
5. Rev. Ginzapau, Tuaitengphai
6. Upa Chinzakam, Tanglian
7. Upa Chinkhopau, Tuaitengphai
8. Upa Thongzakhup, Tuaitengphai
9. Upa Suokhosoi, Tuining
10. Upa Thongsiam, Panglian
11. Pastornu Vungkhoching, Zoveng
12. Upanu Ngaizanem, Zomi Colony
13. Upanu manniang, Zomi Colony
14. Upa Lianzahau, Tangpijol
15. Upa Suanzalam, Tuining
16. Upa Ngulzanang, Tuaitengphai
17. Upa Ngulzakhai, Zomi Colony

Tuaban ah tuni tan a ei dampi Secretary masapen Nu Hatkho- lam of Kamdou veng leh Nu Nuamzavung of Zomi Colony te ban ah Pasion nna ei sepkhawmpi lamkai masa zousie amahaw tawmngaina zal a MWCA tam tan kitung ahi chi i thei ua, tuazieh in mimal chin tung ah lungdam thu i tut uhi. Tutung MWCA Golden Jubilee Souvenir pen MWCA tanchin suidoh dan leh lamkai masate min leh tanchin tomkim maimai kitahlang ahi hi.

**MANIPUR WOMEN CHRISTIAN ASSOCIATION
LAMKAITE MIN**

Ahun	Chairman	Secretary
1960	Upa Suankham	Nu Hatkholam
1961	Upa Suankham	Nu Hatkholam
1962	Upa Suankham	Nu Hatkholam
1963	Upa Suankham	Nu Hatkholam
1964	Upa Suankham	Nu Hatkholam
1965	Upa Suankham	Nu Hatkholam
1966	Upa Suankham	Nu Nuamzavung
1967	Upa Suankham	Nu Nuamzavung
1968	Upa Ngulkhothang	Nu Mankhozen
1969	Upa J. Lunglian	Ms. Nianghoiting
1970	Upa Thawngzagin	Nh P.Niinghoi
1971	Upa Singchinjam	Nu Phiri
1972	P/P Ginjapau	Nu Nuamzachiin
1973	Upa Singchinjam	Nu Phiri
1974	Upa Thawngzagin	Nu Chiinthang
1975	Upa Chinjakam	Nu Songthahhnieng
1976	Rev. Kamkhozam	Nh Donzangai
1977	Upa Chinkhopau	Nu Songthahhnieng
1978	Upa Thawngzakhup	Nu Phiri
1979	Upa Suahkhosoi	Nh Zenkhonuam
1980	Upa Thongsiem	Nh Zenkhonuam
1981	Upa Thongmang	Nu Niangzalam (w/o Thanggin)
1982	Nu Vungkhoching	Nu Zamkhoching
1983	Upa Chinkham	Nu Thangneivah
	President	Secretary
1984	Nu Ngaizanem	Nu Nuamzavung
1985	Nu Thangneivah	Nh Vungdeiniang
1986	Nu Dimkhochin	Nh Niangkhangai
1987	Nu Songthahhnieng	Nh Vungdeiniang
1988	Nu Dimkhochiin	Nh Niangkhangai

1989	Nu Ngaizanem	Nu Niangzalam
1990	Nu Songthahhnieng	Nh Niengkhangai
1991	Nu Ngaizanem	Nu Niangzalam
1992	Nu Dimkhochin	Nu Niangkhanman
1993	Nu Songthahhnieng	Nu Dimneiching

MPWF Guidline kizui a pat kumni dan vaipuoh ahia, ZPWF in Local, District leh Synod level tan a term kibah ding deina in 2006 October a kitelthana nei chiet ahia, 2006 & 2007 pen kum khat tuoh a puohsah ahi.

1994-1995	Nu Zamnieng	Nu Niangzalam
1996-1997	Nu Hatkhanvung	Nu Niangzalam
1998-1999	Nu Nianghoikim	Nu Dimneiching
2000-2001	Nu Dimneiching	Nu Vungzanuam
2002-2003	Nu Chingneikim	Nu Dimneiching
2004	Nu Niangzalam, MWCA Synod mu 2004 2nd September in ZPWF ki form MWCA toh ding khawm Dimneiching, ZPWF	Nu Nianghoikim, MWCA Nu Dimkhochin, ZPWF
2005	Nu Niangzalam, MWCA Nu Dimneiching, ZPWF	Nu Nianghoikim, MWCA Nu Dimkhochin, ZPWF
2006	Nu Nianghoikim, MWCA Nu Dimneiching, ZPWF	Nu Chingneikim, MWCA Nu Dimkhochin, ZPWF
2007	Nu Chingzaniang, MWCA Nu Vahkhohling, ZPWF	Nu Nianghoikim, MWCA Nu Dimneiching, ZPWF
2008	Nu Vahkhohling, ZPWF	Nu Dimneiching, ZPWF
2009-2010	Nu Thangneivah, ZPWF	Nu Dimneiching, ZPWF

ZPWF Column **TUNNU LIMBEL PANPITE**

April

1. PWF S. Vengnuam, Anntang 37kg	
2. PWF Bohlui, Anntang 40kg	
3. PWF Lailam Veng, Anntang 145kg	
4. PWF Awnchinkap Khuo, Anntang 31kg leh asum in Rs.	880/-
5. PWF Kanaan Veng, Anntang 60kg	
6. PWF Zoumunnuam, Anntang 36kg	
7. PWF Thingkangphai, Anntang 130kg	
8. PWF Delhi, Anntang taang	Rs. 5,000/-
9. PWF Bengaluru, Anntang taaang	Rs. 2,000/-
10. PWF P. Salem, Anntang taang	Rs. 1,000/-
11. Anonymous	Rs. 10,000/-
12. Tv. Thangmuonlal, Central Church	Rs. 500/-
13. Upa H. Nengkhai, Central Church	Rs. 500/-
14. Chingzanuom, Central Church	Rs. 100/-
15. Nu Nemkhonieng, Central Church	Rs. 500/-
16. Nu Nousuanching, Central Church	Rs. 1,000/-
17. Tv. Thanglienmung, Central Church	Rs. 1,000/-
18. Chinneilam, Mualzin	Rs. 500/-
19. Upa Gouzamang, Central Church	Rs. 1,000/-
20. Nu Chiinmuonkim, Central Church	Rs. 2,000/-
21. Nu Manneihat, Central Church	Rs. 1,000/-
22. Nu Nemneiching, Delhi	Rs. 5,000/-
23. Mangdeiching, L. Gangpimual	Rs. 2,000/-
24. ZPCS Tuining	
i) Nu Hauching	Rs. 250/-
ii) Pa S. Thangchinpau	Rs. 400/-
iii) Pu Chinsuanmang	Rs. 50/-
iv) Nu Niangboi	Rs. 250/-
v) Tv. Manghankhual	Rs. 150/-
vi) Nu H. Chinsianching	Rs. 50/-
vii) Tv. Thangminlal	Rs. 150/-
viii) Pa Lianchinthang	Rs. 150/-
ix) Pa Nengsuankhup	Rs. 100/-

Petu zousie Mangpa'n hing guolzawl taken.

NOTE: A dihloou kha aum le office a suhdih thei zing ahi.

Sd/- Nh. Christina Chinghatkim
Secretary for Women's Relation

ZPYF STAGE PROJECT

ZPYF in stage platform project inei uh ahia stage khu aneng neng a bailam tah a zawpthei ding tualeh bailam tah a phel khiat thei ding a bawl ahi. ilung tup bang tah a bawl khiat thei ahi leh ZPYF ading a source of income hoitah hing hi thei ding hi. ahing tung ding Jan 28, 2027 ZPYF General Conference masang ngei a bawl zou ding a a lam et ahi.

Stage pumpi adung avai 20x78 feet a lian ding a bawl ahi. asan dan(height) side stage tel gel khu feet 3 a sang ahi ding a, main stage feet 5 tualeh musician stage khu feet 6 a sang ahi ding hi. Avideo imu a imu mabang un plywood size 4x6 feet dungzui a aframe bawl ahi(ateng, azawl, atemna, akeng adjust na ding nut leh bolt). Tam aframe te khu aneng neng a phelkhiat thei ding a bawl ahi.

Frame khat bawl na a - Plywood man, sia(iron) man, nut & Bolt man, wielding man tualeh rong(colour) man agawm in Rs. 10,000/- alut hi. Tami asum lutz at khu sample frame 5 bawl ahia tuami a pat asum lut zat tuat ahi. Aplatform a ngiamzaw asangzaw um nanleh asum lut dan kikhe seng lou ahi man in atangpi (average) lah ahi.

Total number of Plywood & Frame – 65

Total cost – $65 \times 10,000 = \text{Rs. } 6,50000/-$

A zawn(row) a hisap in – Zawn 13 (Row)

Zawn (row) khat a frame 5 um ahi.

Tam ZPYF stage project lochinna ding in hattuom sung ah mi kiphah kisui a, sponsored bawl nuam ten

Frame khat - 10,000

Raw khat - 50,000 ahia, kithuopina bawl thei zing ahi...

Youth Co-Ordinator

Contact : 7085981793

Gpay : 7085981793

PATRON MEMBER-TE

001. Upa Gouzamang	002. Pu Hav. Khamchinkhup	003. Pu Khamzalam	004. Pu Chinzasuan
005. (L) Upa Liansuanpau	006. Pu Khamchinthang	007. Pu S. Dalhang	008. Upa Kapkhanthang
009. (L) Upa Langginmang	010. Upa S. Nangkhanlal	011. Pu S. Lamkhotang	012. Upa Dr. M. Lachinkhai
013. Upa Khamchinjam	014. (L) Upa D.K.Manlun	015. Upa Suankhanmang	016. (L) Upa Khupgou
017. (L) Upa Chinkham	018. Upa Ngulchinkham	019. (L) Rev. V. Vungzalian	020. (L) Rev. Kamkhosoi
021. Rev. Tualzachin	022. Rev. H. Nengzaton	023. Rev. Awnkhankhup	024. Rev. Dr. Hangpi Manlun Zou
025. (L) Pu Tuanzapau	026. (L) Rev. Ginchinjam	027. (L) Rev. Khamzasuan	028. Upa T. Lamkhotawng
029. Upa Khaichinmang	030. Rev. Stephen Chinzathang	031. Pu Khupkhanmang	032. Pu Khaidohlian
033. (L) Hav. Khamzahang	034. Pi Vungzanuam	035. Pu T. Gouzadou	036. Upa Liensuonkap
037. Pi Zekhochiin	038. Pi Hatkhanvung	039. (L) Pi Ngaihoiching	040. Pi Mankhanniang
041. Pu Goukhanmang	042. Pi Chingzalam	043. Pu S. Thianzakhai	044. Pi Kamkhanching
045. Pu Haukhanpau	046. Pu Tuallianmang	047. (L) Pu Dongkap	048. (L) Pi Chingkhanmang
049. Pi Donkhonian	050. Upa Henzakhup	051. (L) Pu Saichinpau	052. Pu Goumang
053. (L) Upa Khamkhanhang	054. Shie Laangkhanlal	055. Upa Khamkhanlun	056. Upa L. Tualkhanpau
057. Upa Jamsianmung	058. Upa Ginzadong	059. (L) Upa Kaizathang	060. Pi Goizanuom
061. (L) Pi Thangneivah	062. Pu Khamzathang	063. Pi Donchin	064. Upa Liankhanmang
065. Pu Hauchinlun	066. Pu T. S. Lal	067. Pi Goichiin	068. (L) Pu T. Khupchinthang
069. Upa T. Kaizalam	070. Pu Paul Henkholal	071. (L) Pu Soikham	072. (L) Rev. P.C. Manga
073. Rev. Khamchinkhai	074. Rev. Zamlianpau	075. Rev. Chinzapau	076. (L) Rev. Kamkhozam
077. (L) Upa Chinpu	078. Pu Zamkhanthang	079. Pu Chinglen	080. Miss Chinhaunieng
081. Upa P. K. Sawia	082. Pu Goujakhai	083. Pi Niangkhanmang	084. (L) Evan. G.L. Joshya
085. Pi S. Chingkhanmang	086. (L) Pu Vumchinkhup	087. Upa Khaihenthang	088. Upa T. C. Pau
089. Upa Nengchinkap	090. (L) Upa Jamkhongam	091. Upa HT Manga	092. Nu Vahkhohling
093. (L) Upa S. Hauliankap	094. Pi Chinnu	095. (L) Upa Ngulzakhai	096. (L) Upa T. Gougin
097. Pu Ginsuanhau	098. (L) Upa Langminthang	099. (L) Rev. David K.Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thatang Taihul	104. Pu Kamkhankap
105. Bhim Prasad Ghatani	106. Rev. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. (L) Rev. Mangsuanthang	115. (L) Pu Lamchinhou	116. Upa Pauchinlei
117. Nu Kimneihei	118. (L) Upa Kamgenpau	119. Nu Niangsuanuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. (L) Upa Lunchinthang
129. Pu P. Tongthang Zou	130. Pu H. Nehzamang	131. Pu Thangsuankhup	132. Upa M. Kamzadou
133. Pu Jamkholian Munlao	134. Pu Sianzakhai	135. Upa Thangginsuan	136. Pu Kapminlun
137. Pi Tingzavah	138. Dr. M. Limlunthang Zou	139. Rev. Hauzalian Manlun	140. Rev. Suangliankap
141. Rev. Ginlianmang	142. Upa L. Mangminthang Zou	143. Upa Goukhanthang	144. M. Thangsuansang Zou
145. Upa T. Kamchinthang	146. Pa Ngamsei	147. Rev. M. Gouginsang	

LIFE MEMBER-TE

001. (L) Upa T. Khupkhenpau	002. (L) Pu M. Ginzahau	003. (L) Pu Selzapau	004. Pu L.C. Pautungnung
005. (L) Pi Khamkhanniang	006. Pi Ngainuam	007. Upa Chinsuanthang	008. Upa Shanti Kumar
009. Pu Kamkhohau	010. (L) Pu Khamkhohau	011. Upa Khamzathang	012. Upa Chinkhanthang
013. (L) Pu Tongzathang	014. Pi Chiinneilam	015. Upa Kulthang	016. H/Sm. Upa Kaichinpau
017. Pi Niangzalam	018. Upa P. Doukholun	019. Pu Kapminlian	020. Upa P. Nehgin

PCI KHAWMPI LEH CENTENARY JUBILEE KITHUO



PCI KHAWMPI LEH CENTENARY JUBILEE KITHUO